



Ich, Prins Luc d'n tweeëde, oudste zoon van Huub en Monique Rijks,  
mit aan mien rechterzie, Prinses Solange,  
dochter van Justin en Vanina Latour,  
heersers van alle jeugdige Beumerwalderkes, make bie deze bekint dat:

**Ten ieësjte (Luc):**

Ich neet nao 't prinssjap hub gesolliciteerd,  
mer toen men mich hie veur vroeg waar ich zeer vereerd.

**Ten tweeëde (Solange):**

Ich veurig jaor nog es nar naeve ut jeugprinsepaar kos sjtaon,  
mer dit jaor maog ich zelf es prinses door 't leave gaon.

**Ten derde (Luc):**

Euver ozze oetroping tot prins en prinses auch ozze breurkes Rik en Sylvain  
tot noe toe niks hubbe geweete,  
mer vanaaf noe kinne die tweeë mit os mit geneete.

**Ten veerde (Solange):**

Miene petenonk waar ooit president bie de jeugraad dus carnaval zit mich in 't  
blood,  
houpelik doon ich ut es jeugprinses net zao good.

**Ten vijfde (Luc):**

Keepe bie de E2 van SV Hulsberg miene hobby is, ich bin fanatiek,  
verder houd ich van Mc Donalds, Juulke ozze hond en muziek  
Achter miene computer veul ich mich wie unne vusj in 't water,  
dao wil ich auch get mit doon later.

**Ten zesde (Solange):**

Ich al gans get maeters op de baan van de Hulsbergse tennisclub hub gemaak,  
en al beheurlik get belkes good hub geraak.

**Ten zevende (Luc):**

Ich bie juf Judith zit in groep 8,  
en houpelik sjeip ich gooije eindresultaten in de wach.



**Ten achste (Solange):**

Ich zit bie meester Rik in groep 7, dao volg ich zien les,  
Dit jaar wil ich mit mien klas carnaval viere es prinses.

**Ten neugende (Luc):**

Ich 10 jaar mit mien mam in d'n optoch hub geloupe mer dit jaar maog ich op  
de prinsewage sjtaon,  
en mot mam allein in d'n optoch gaon.

**Ten tieënde (Solange):**

Veer allebei elk jaar nog op dizze middag hubbe opgetraoje,  
dit jaar mooste veer oetkieke dat veer verder nieks zou verraoje.

**Ten ellefde (Luc):**

Alle kinger van ozze sjoal mit hun familie en vrung unne fijne carnaval maoge  
belaeve,  
en dat veer hun dao un good veurbeeld in maoge gaeve.

**Ôs motto veur deze vastelaovend is;**

(Luc):

In os durp is veul vernuujd; dink aan sjelechterie Keulen, de Chinees en de  
Albert Heijn,

(Solange):

Mer carnaval viere veer wie vanouds, want dat bevilt nog ummer jekerein.

**Alaaf, Alaaf, Alaaf**

Gegaeve in 't Beumerwald van Hôlsberg de 9de januwari 2016

Jeugprins Luc 2de en Jeugprinses Solange